

**TALKING POINT**  
**BRIG. JEN. DATUK PROF. DR. KAMARUDIN HUSSIN**  
**NAIB CANSELOR**  
**UNIVERSITI MALAYSIA PERLIS**  
**SEMPENA SENAMROBIK DAN PERJUMPAAN MINGGUAN**  
**PADA 19 NOVEMBER 2014**  
**DI GELANGGANG SERBAGUNA KAMPUS KUBANG GAJAH**

Assalamualaikum Warahmatullahi Wabarakatuh dan Salam Satu Malaysia

**Salam Ilmu, Keikhlasan, Kecemerlangan UniMAP**

**SALUTASI**

**Yang Berbahagia Timbalan- Timbalan Naib Canselor UniMAP**

**Yang Berusaha Pegawai –Pegawai Utama Universiti**

Yang Berusaha Penolong-Penolong Naib Canselor UniMAP,

Dekan-dekan dan Ketua-ketua Jabatan,

Seterusnya staf Universiti Malaysia Perlis yang saya kasihi sekalian.

Selamat Pagi, Good Morning, Kalai Vannakam, Zao Shang Hao, Magandang umaga (Tagalog), ahroonsawad (Bahasa Thai), Saba' Hal 'Khair.

**KATA ALU-ALUAN**

1. Alhamdulillah, syukur ke hadrat Ilahi kerana dengan keizinanNya, dapat kita bersama-sama pada pagi yang berbahagia ini. Terima kasih saya ucapkan buat semua warga UniMAP yang sentiasa memberikan sokongan kepada aktiviti senamrobik ini.

Hadirin dan hadirat sekalian

## **PROGRAM YANG TELAH BERLANGSUNG**

### **PROGRAM HIDUP SIHAT TANPA AEDES & PELANCARAN SKUAD COMBI PELAJAR UniMAP**

2. Saya dimaklumkan pada 16 November lalu, telah diadakan Program Hidup Sihat Tanpa Aedes & Pelancaran Skuad Combi Pelajar UniMAP di Kolej Kediaman Tun Abdullah Ahmad Badawi (KKI) di Simpang Empat.
3. Program ini merupakan anjuran bersama Jabatan Hal ehwal Pelajar dan Alumni UniMAP dan Jabatan Kesihatan Negeri Perlis.
4. Pada program tersebut turut dilancarkan Skuad Communication for Behavioural Impact (COMBI) UniMAP yang disertai 60 wakil Majlis Perwakilan Kolej Kediaman (MPKK). Skuad ini bakal merangka pelbagai program bersama masyarakat berhampiran kampus teragih UniMAP agar segala info mengenai bahayanya aedes, dapat disalurkan dengan tepat sekaligus memastikan kampus UniMAP bebas aedes.
5. Saya berharap Skuad ini mampu untuk menjadi contoh dalam memperkasa peranan komuniti di UniMAP dalam mencegah dan mengawal kejadian penyakit khususnya penyakit demam denggi.

Hadirin dan hadirat sekalian

### **TAKLIMAT PENGURUSAN KEWANGAN**

6. Alhamdulillah, semalam telah berlangsung **Taklimat Pengurusan Kewangan (Bajet, Perolehan, Pelupusan, Audit, Autonomi dan GST)** anjuran Jabatan Bendahari UniMAP, di Auditorium Perpustakaan Tuanku Syed Faizuddin Putra. Taklimat ini diadakan bertujuan untuk memberikan penerangan terkini tentang cara menguruskan rekod perakaunan berkaitan Pusat tanggungjawab dengan teratur dan dikemaskini.

7. Seperti yang kita sedia maklum, proses **Pengurusan Kewangan Menjadi Nadi Bagi sesbuah Organisasi**. Sumber-sumber ekonomi tidak dapat digerakkan tanpa pengurusan kewangan yang teratur. Prinsip utama pengurusan kewangan adalah Legaliti, Integriti dan Akauntabiliti.
- a. **Legaliti** bermaksud pengurusan kewangan mestilah mematuhi semua undang-undang dan peraturan yang digubal oleh kerajaan.
  - b. **Integriti** pula dikaitkan dengan nilai-nilai murni seperti jujur, amanah, telus, tulus, adil & saksama, berkecuali dan kebolehpercayaan. Penjawat awam yang mempunyai dan mengamalkan prinsip ini tidak bersikap mementingkan diri sendiri sebaliknya lebih mengutamakan kepentingan orang ramai. Manakala;
  - c. **Akauntabiliti** pula merujuk kepada kewajipan penjawat awam dalam menjalankan tugas yang dipertanggungjawabkan mengikut undang-undang, prosedur dan arahan yang berkuatkuasa yang ditetapkan. Akauntabiliti amat penting bagi memastikan tugas-tugas yang dilaksanakan mencapai objektif yang telah ditetapkan dan tiada pembaziran yang menjelaskan sumber-sumber awam.
8. Saya berharap, nilai-nilai ini akan dapat diterapkan di dalam jiwa semua warga UniMAP bagi menghindarkan diri dengan amalan rasuah atau berlakunya perkara pecah amanah.

Hadirin dan hadirat sekalian,

#### **R&D DAN KEJAYAAN ANTARABANGSA**

9. Alhamdulillah, di penghujung tahun ini kita diserikan dengan beberapa kejayaan antarabangsa yang berjaya kita raih antaranya Universiti Malaysia

Perlis (UniMAP) sekali lagi menerima pengiktirafan antarabangsa apabila meraih anugerah "The Golden Europe Award for Quality & Commercial Prestige" bagi tahun 2014. Anugerah berprestij bagi aspek kualiti dan pengkomersialan itu dianugerahkan kepada UniMAP oleh Association Otherways Management & Consulting - France (OMAC).

10. Di samping itu, para penyelidik kita sekali lagi menyerlah apabila meraih tujuh anugerah emas di pameran **British Invention Show (BIS) 2014** yang berlangsung di Barbican Exhibition Centre London, baru-baru ini.
11. Lebih manis lagi, kejayaan itu mendapat perhatian **Perdana Menteri, Y.A.B Datuk Seri Najib Tun Abdul Razak** dan **Yang Berhormat, Menteri Pendidikan II Dato' Seri Idris Jusoh** dan mengucapkan tahniah atas kejayaan UniMAP di BIS 2014 di laman twitter mereka.
12. Kejayaan seterusnya adalah di **International Trade Fair, Ideas, Inventions & New Products (IENA 2014)**, Jerman, apabila kesemua tiga produk yang dihantar berjaya meraih dua emas dan satu perak selain satu anugerah khas. Semoga kejayaan ini akan menjadi dorongan buat penyelidik-penyelidik lain di UniMAP terutama generasi baru.

Hadirin dan hadirat sekalian,

13. Kita juga amat berbangga dengan pencapaian Dr. Noorhafiza Muhamad atas **Anugerah Nasional Fellowship Untuk Wanita dalam Sains oleh L'oreal Malaysia**. Untuk makluman, kejayaan ini telah diraih UniMAP sebanyak empat kali berturut-turut oleh penyelidik wanita UniMAP sejak 2011 iaitu Dr. Ong Hui Lin diikuti Dr. Hakimah Othman dan Dr. Ruslinda A. Rahim.
14. Satu lagi kejayaan manis telah kita kecapi apabila pembentang kertas UniMAP berjaya meraih lima anugerah kertas kerja terbaik di **Malaysian Technical Universities Conference On Engineering and Technology (MUCET 2014)**. Kesemua kejayaan-kejayaan yang diperolehi menunjukkan

bahawa kita berada di laluan penyelidikan yang produktif serta diiktiraf di dalam dan luar negara.

15. Seperti yang kita sedia maklum, UniMAP tidak hanya menumpukan bidang penyelidikan dan akademik semata-mata. Baru-baru ini, pasukan bolasepak UniMAP telah berjaya merangkul dua gelaran juara bagi **Piala Yayasan Tuanku Syed Putra** dan **Piala Tuanku Syed Putra**. Selain itu, Pasukan ini yang mewakili Negeri Perlis untuk Piala Emas Raja-Raja 2014 juga turut melayakkan diri ke pusingan suku akhir yang akan menentang pasukan Terengganu Sabtu ini. Saya doakan agar pasukan kita memperoleh kejayaan seterusnya mengekalkan kejuaraan yang diraih tahun lalu.
16. Sementara itu, pelajar antarabangsa telah meraih tempat kedua pada **2nd Maal Hijrah Arabic Debate Championship** yang berlangsung di Universiti Islam Antarabangsa Malaysia (UIAM) dan memenangi kategori **Tarian Tradisional Terbaik** pada **1 World Culture** di Nilai University, Negeri Sembilan baru-baru ini.
17. Setinggi-tinggi tahniah saya ucapkan di atas segala kejayaan yang telah diperolehi selama ini. Terima kasih juga saya ucapkan di atas kerja keras semua warga UniMAP selama ini bagi mengharumkan nama UniMAP yang kita sayangi ini.

## **PENUTUP**

18. Rasanya cukuplah sampai disini saja ucapan saya untuk pagi ini. Akhir kata, saya berharap agar kita sentiasa bersyukur dengan apa yang dikurniakan Ilahi selama ini dan akan terus berusaha untuk menjadikan impian 500 universiti terbaik dunia menjelang tahun 2020 menjadi kenyataan.

Sekian, saya sudahi dengan Wabillahitaufik walhidayah wassalamualaikum warahmatullahi taala wabarakatuh.